



SAKSPAPIR

Saksnr	Utval	Type	Dato
08/2021	Eldrerådet	PS	14.06.2021

Sakshandsamar	Arkiv	ArkivsakID
Solrun Hauglum	FE-033	18/772

LEVE HEILE LIVET OG ALDERSVENLEG SAMFUNN - VIDARE PROSESS

Kommunedirektøren sitt framlegg til vedtak:

Eldrerådet har følgjande innspel til vidare prosess for Leve heile livet og aldersvenleg samfunn:

Eldrerådet - Sak 08/2021

ELD - Behandling:

ELD - Tilråding/Vedtak:

Eldrerådet har følgjande innspel til vidare prosess for Leve heile livet og aldersvenleg samfunn: Eldrerådet ønskjer å arrangera felles møte med 2-3 representantar frå pensjonistforeningane etter valet i september. Administrasjonen i kommunen, frivilligsentralen og gruppeleiarane i dei politiske partia vert også inviterte.

Saksopplysningar:

Eldrerådet sine medlem er kjent med satsinga på Leve heile livet og aldersvenleg samfunn gjennom tidlegare saker, ulike kurs og webinar og også gjennom to dagars digital opplæring for kommunale råd.

Eldrerådet hadde oppe saka på møte 14.12.2020 (sak 27/2020), og fatta følgjande vedtak: «Eldrerådet har følgjande innspel til vidare prosess: Eldrerådet ønskjer samarbeid og kontakt med pensjonistlaga frå tidleg i 2021 rundt vidare arbeid med «Leve heile livet»-reformen og aldersvenleg samfunn. Eldrerådet vil poengtera viktigheita av at dette arbeidet skjer på tvers av tenesteområda.»

Levekårsutvalet hadde saka oppe på møte 10.11.2020 (sak 31/2020) og fatta følgjande vedtak:

«Utvalet tek saka til orientering og har følgjande innspel til vidare prosess:

Bruke dei eksempla som er i reforma frå andre kommunar og tilpassa dei til lokale forhold.

Arrangere innspelmøte/folkemøte for å få inn innspel frå innbyggjarar.

Arbeida på tvers av sektorane.

Arrangera dialogmøte om planen med deltakarar frå politisk, administrativt og tillitsvalt nivå.

Leggje spesielt fokus på dei lågare trinna i innsatstrappa for å styrka dei.»

Grunna koronapandemi med strenge smittevernrestriksjonar har det i vårhalvåret 2021 ikkje vore råd å arrangera fysiske møte der fleire er samla, og dette har vanskeleggjort samarbeid rundt satsinga.

Eldrerådet vil i møtet drøfta korleis ein skal jobba vidare med Leve heile livet og aldersvenleg samfunn i kommunen med mål om å få vedteke plan politisk innan nyttår.